

Pcd giuvna dil Grischun a Mustér ed a Trun

■ (cp) Damaun viseta la pcd giuvna dil Grischun la Cadi. Ils candidats dalla pcd giuvna per il cussegl naziunal *Christina Blumenthal, Martin Candinas, Maurus Berni, Loris Zanolari e Fabiano Menghini* vegnan ad esser dallas 10 – 12 cun la bar dalla pcd giuvna avon igl Eurospar a Mustér. Dalls 14 – 16 vegnan a survir lur drink da campagna d'elecziun avon la casa da scola a Trun. Els vegnan a dar sclariment davart lur motivaziun e finamiras cun lur candidatura per il cussegl naziunal e selegnan sin interessantas damondas.

BALLAPEI

Tusaun/Cazas vegn sco favorit

(gv) Dumengia proxima gioga Schluein Glion a casa encunter Tusaun Cazas. Il hosp dalla Tumliasca vegn sco favorit a Crap Gries. Suententer quater giugs ei quella equipa sil tschunavel plaz cun siat puncts, Schluein Glion ei novavel culs treis puncts dil giug encunter Walenstadt. Las equipas sursilvanas da quarta ligia gogan questa fin d'jamna tuttas ordeifer. A Surses ha Trun/Rabius la caschun da far emblidar las duas terradas vargadas. Surses ha suenter treis giugs aunc negins puncts sil conto.

Giugs da questa fin d'jamna
3. ligia, gruppa 1
 Domat a – Mladost sonda, 17.00
 Sargans – Valposchiavo sonda, 18.00
 Rapperswil – Riva/Walenst. dumengia, 13.00
 Cuera 97 a – Weesen dumengia, 13.30
 Flums – Bogn Ragaz dumengia, 16.00
 Schluein Glion – Tusaun/Cazas dumengia, 16.00

4. ligia, gruppa 1
 Schlarginna – Panaduz sonda, 16.00
 Valposchiavo – Lumnezia sonda, 17.00
 Tusaun/Cazas – Schluein Glion sonda, 19.00
 Surses – Trun/Rabius dumengia, 14.00
 Lusitanos – Sedrun/Mustér dumengia, 16.30

5. ligia, gruppa 1
 Panaduz – Domat sonda, 18.00
 Danis-Tavanasa – Union Trin sonda, 19.30
 Trun/Rabius – Croazia 92 dumengia, 15.00
 Val – Lumnezia dumengia, 15.00

Juniors A1, gruppa 1
 Surselva a – Linth 04 dumengia, 16.00
 Team Pizol – Domat dumengia, 16.00

Juniors B1, gruppa 1
 Surselva – St. Margrethen sonda, 16.00

Juniors B2, gruppa 1
 Lai/Valbella – Surselva a sonda, 13.00
 Landquart – Vaz-sut sonda, 14.00
 Panaduz – Surselva b sonda, 14.00
 Lusitanos – Schlarginna sonda, 15.00
 Team Cadi 04 – Cuera 97 sonda, 16.00

Juniors C promozion, gruppa 1
 Tusaun/Cazas – Team Pizol sonda, 15.00
 Surselva – Fortuna SG sonda, 16.00

Juniors C1, gruppa 1
 Rapperswil-Jona – Panaduz sonda, 11.00
 Domat – Balzers sonda, 15.00

Juniors C2, gruppa 1
 Surselva – Trun/Rabius venderdis, 19.00
 Bogn Ragaz – Cuera 97 a sonda, 15.00
 Team Pizol b – Schlarginna sonda, 15.00
 Surses – Cadi 04 sonda, 15.00

Juniors D9 elita, gruppa 1
 Tusaun/Cazas a – Mels a sonda, 11.00
 Buchs a – Team Surselva sonda, 13.00
 Grischun – Montlingen sonda, 15.00

Juniors D9/1, gruppa 1
 Tusaun/Cazas b – Surselva b sonda, 10.00
 Surselva a – Valposchiavo sonda, 13.00
 Trun/Rabius a – Schlarginna sonda, 14.00
 Landquart a – Cuera 97 a sonda, 14.00

Seniors meister, gruppa 1
 Danis-Tavanasa – Bogn Ragaz venderdis, 20.00
 Cuera 97 – Panaduz venderdis, 20.00
 Tusaun/Cazas – Valposchiavo venderdis, 20.30

Veterans, gruppa 1
 Panaduz – Domat venderdis, 20.00
 Vaz-sut – Laax mesjamna, 20.00

Damas 2. ligia, gruppa 1
 Domat – Cuera 97 dumengia, 16.00

Damas 3. ligia, gruppa 1
 Diepoldsau – Tusaun/Cazas dumengia, 10.15
 Lusitanos – Laax dumengia, 13.30
 Triesen – Sedrun/Mustér dumengia, 14.00

Da buns e schliats temps

Maurus Carigiet vegn undraus oz per siu engaschi en connex culla malsogna d'Alzheimer

DA SUSI BEARTH / ANR

■ **Oz ei il di internaziunal d'Alzheimer. A Mustér organischescha la secziun grischuna dall'Associazion svizra d'Alzheimer questa sera in'occurrenza publica. A caschun da quella vegn Maurus Carigiet da Breil undraus cul premi da reconuschientscha Fokus.**

Maurus Carigiet ei vieus e viva persuls en sia habitaziun a Breil. Leu ella casa Mu-reun ha La Quotidiana visitau igl um dad 81 onns. El vegneva gest neu dil curtin, siu liug preferiu e ha envidau en stiva caulda. Leu havein nus discutau da sia dunna, dalla veta culla malsogna Alzheimer e da siu nunstunclenteivel engaschi public. Avon varga vegn onns ha Maurus Carigiet percurschiu ch'enzatgei cunteva buca pli cun sia dunna. Ella scumbigliava cefras e saveva buca pli endretg las uras. En baselgia teneva ella il cudisch da canzuns cul tgau engiu. Quei ei stau mo l'entschatta d'in liung temps da malsogna che ha engreviau ils davos onns dalla veta d'Anna Maria. Era per siu um che ha tgirau ella aschi ditg sco pusseivel a casa eis ei buca stau sempel.

Discuorer aviartamein gida

El ha stuii mirar co sia dunna emblidava tec per tec tut quei ch'ella saveva. 1986 cu sia dunna hagi giu ils emprems simptoms havevi ins aunc strusch udiu enzatgei dalla malsogna Alzheimer. 1987 ha ella survegniu la diagnosa Alzheimer, mo tgei che quei munti propi savevan ella e siu um aunc buca da quei temps. Pér in onn pli tard ei l'Associazion svizra d'Al-



Maurus Carigiet da Breil ha tgirau biars onns sia dunna che haveva la malsogna d'Alzheimer. El ha era fatg bia lavur publica, dau ina fatscha alla malsogna e gidau d'enttabuisar ella. Per siu engaschi retscheiva el oz il premi da reconuschientscha Fokus.

FOTO S. BEARTH

heimer vegnida fundada. L'emprema gruppa per agid a sesez ei vegnida fundada a Tavau. Maurus Carigiet ei staus in dils emprems participonts e s'entupava ina ga al meins cun auters pertuccai. Sin sia iniziativa ein las gruppas d'agid a sesez a Cuera e Glion vegnidas fundadas enzacons onns pli tard. «Quellas sentupadas possibiliteschan da discuorer aviartamein e senza tabus dalla malsogna e dils quitaus che quella caschuna», di igl um che separticipescha aunc adina mintgaton allas sentupadas dalla gruppa a Glion. «Forsa survegnel jeu pervia da quei il premi da reconuschientscha», ha el manegiau da quei mudest. El hagi fatg bugen quella lavur publica per ch'els auters stoppien buca far atras quei ch'el hagi fatg atras cu el fuvi bunamein persuls cun ses problems.

Cu las forzas svaneschan

Ils emprems onns che sia dunna fuva malsauna luvrava Maurus Carigiet aunc en l'atgna fatschenta da baghegiar. Inaga pensiunau fuva la malsogna aschi avanzada ch'el saveva buca pli schar persula l'Anna Maria. Quei temps ei buca staus sempels e magari fuva il bab da dus affons carschi alla fin da sias forzas. Strappazzau sia gnarva ha cunzun la midada da persunalitad che s'avanzava culla malsogna. «Ella sevilava e zachergiaeva e scheva plaid ch'ella havess mai detg avon», seregorda igl um. All'entschatta dalla malsogna s'entupava ei buca ensemen aschia che biars gnanc cartevien ch'ella seigi malsauna. Pli tard saveva Anna Maria denton buca pli far quei, emblidava pli e pli bia ed enconuscheva gnanc ses affons pli. Cu ella strapazzavi propi la

gnarva fagevi el magari amogna da scappar e mai turnar cu el hagi mess a letg ella. «Sco in affon da dus onns mettevel jeu a letg ella», raquenta igl um. Lu miravi ella sin el e schevi: «Maurus ti eis in car, engraziell per tut.» Quels muments schevan emblidar el tut, mo suenter nov onns fuva Maurus Carigiet tuttina alla fin da sias forzas. Sin cussegliaziun dils miedis e suenter liunga ponderaziun ha el mess sia dunna ella Casa da tgira s. Martin a Trun. Treis ga ad jamna visitava el sia dunna. Ella eri vegnida immens schalusa e sevilavi da nar sch'el paterlavi cun auters pazients. «Il matg 1999 havein nus festivau nozzas d'aur ed il december eis ella morta», seregorda Maurus Carigiet e vid sia eglia da ves'ins con fetg ch'el ha carezau sia Anna Maria e ch'ella maunca ad el.

2. Forum Surselva

ils 23 da november 2007 ella basa dall'Air Grischa a Tavanasa

■ (cp) **Surselva – cun vast horizont egl avegnir! Havein nus buca gest en nosa regiun muntagnarda tuttas premissas per formar nies avegnir cun vast horizont? Giudem la Val ein ils cuolms fors mintgaton enta peis a nus. Sin la pezza sesarva denton il vast horizont ed ils patratgs san ir el lontan. Era il 2. Forum Surselva metta igl accent sin il svilup economic dalla Surselva.** Il Forum Surselva duei d'aver tar ina ferma occurrenza ell'agenda dall'economia en Surselva. Igl ei ina plattafuorma per interprenderers (era per purs), persunas da cader, politichers ed interessai ord la Surselva. Cheu duein actualitads vegnir tematisadas, patratgs vegnir brattai, visiuns svilupadas, ideas lantschadas e reits ella ed ordeifer la Surselva vegnir formadas. Era ella secunda ediziun san la giuvna combra d'economia en Surselva ed il post per la promozion dall'economia dalla Regiun Surselva sco organisaders survir cun in interessant e vast program.

«Perspectivas per la Surselva – in pensum per tuts»

La Surselva ei part dalla globalisaziun e senta tut ils avantatgs e disavantatgs da quei svilup. Il cumbat da concurrenza ha liug oz sin plaun internaziunal. Quei ein motivs per il tema «Surselva – cun vast horizont egl avegnir!». Cun quei tema duei vegnir mussau allas participontas ed als participonts con impurtont ch'igl ei da mirar en tut las direcziuns sur ils cunfins dalla regiun ora e da patertgar en pli grondas dimensiuns. Oravontut duein novias vias ell'inovaziun vegnir presentadas, schanzas ella fiera vegnir scuvridas, sistems da creaziun da valor sviluppai e novas cooperaziuns vegnir mussadas. Spanegiaus astg'ins esser sin las explicaziuns da *Pierin Vincenz*, CEO dalla Gruppa Raiffeisen. El vegn a mussar la



perspectiva dalla Surselva ord vesta dil «Sursilvan emigrau». *Urezza Famos*, cussegliadra da cultura e da menaschi ed editura dil magazin «piz», vegn a mussar cul tetel «Il liug muntagnard el Grischun ei aunc buc ina monotonia globalisada, mobein ina unica regiun da cultura e natura cun diversas schanzas economicas», ch'in progress economic sa era esser pusseivels en in vitg allontanau e pign ell'Engiadina.

«La marca regiun periferia»

Pius Truffer, compossessur dalla Truffer AG e commember dalla direcziun dil Hotel Therme, meina gia plirs onns sias fatschentas cun success en Val S. Pieder.

El vegn a declarar al publicum cun tgei vast horizont ch'el meina sias fatschentas e tgei avantatgs che la «marca regiun periferia» porta ad el. In tec in auter aspect el tema dil 2. Forum Surselva vegn *Gian Gilli*, secretari general da IIHF World Championship AG Switzerland, a mussar. Sin sias explicaziuns, oravontut davart il tema «Events sco instrument da marketing», astgein nus esser fetg spanegiai.

Ins astga era esser spanegiaus sin la runda da discussiun cun ils quater referents. Per la moderaziun dall'occurrenza san ins quintar cun ina forza cumprovada, numnadamein da *Marcel Melcher* dil radio DRS.

Plazs per il 2. Forum Surselva san vegnir reservai naven dad immediat sut la pagina d'internet www.forumsurselva.ch.

Danovamein in grond susteniment

Era il 2. Forum Surselva vegn organisau dalla giuvna combra d'economia e dil post per la promozion dall'economia dalla Regiun Surselva. Il Forum vegn sustenius da nos ferms partenaris: Banca Raiffeisen sco sponsur principal, Apart GmbH, Air Grischa, Aurax energia sco era dall'ÖKK sco sponsurs. Sco partenari da medias ei La Quotidiana dalla partida. Era igl Uffeci d'economia e turissem dil cantun Grischun e numerus fautors ord la Surselva sustegnan l'occurrenza.

Organisaziun Forum Surselva

Giuvna combra d'economia Surselva:

- *Fabia Caduff*, Sursaissa
- *Clau Degonda*, Cumpadials
- *Flurina Caveng*, Glion
- *Marcellino Giger*, Sedrun
- *Arno Caviezel*, Falera
- *Enrico Mazzetta*, Trun
- *Tarcisi Cavigelli*, Mustér
- *Iso Mazzetta*, Mustér
- *Giusep Coray*, Laax
- *Ernst Sax*, Sursaissa

Regiun Surselva:

- *Pieder Vincenz*, post per la promozion dall'economia